



**Broj/Broj:02 –50 –1-51-61/'06
Sarajevo/Sarajevo, 27.7.2006.**

ZAPISNIK

**61. sjednice Doma naroda
Parlamentarne skupštine Bosne i Hercegovine,
27. jula 2006.godine**

Sjednica je počela u 11,25 sati.

Sjednicom je predsjedavao Goran Milojević, predsjedavajući Doma naroda Parlamentarne skupštine Bosne i Hercegovine.

Sjednici je prisustvovalo 14 delegata.

Delegat Branko Zrno opravdao je izostanak.

Osim delegata, na sjednici Doma naroda bili su predstavnici međunarodnih organizacija i sredstava javnog informiranja.

Nakon rasprave u kojoj su učestvovali Halid Genjac i Ilija Filipović, usvojen je sljedeći dopunjeni

D N E V N I R E D

1. Odgovori na delegatska pitanja i delegatska pitanja;
2. Usvajanje Zapisnika 60. sjednice Doma naroda;
3. Izvještaj Zajedničke komisije oba doma o nastojanju za postizanje sporazuma o identičnom tekstu Zakona o dopunama Zakona o javnim nabavkama BiH;
4. Zahtjev Vijeća ministara BiH za razmatranje Prijedloga zakona o usvajanju zakona o izmjenama i dopunama Zakona o policijskim službenicima BiH po hitnom postupku, u skladu s članom 100. Poslovnika Doma naroda;
5. Zahtjev Vijeća ministara BiH za razmatranje Prijedloga zakona o dopunama Zakona o komunikacijama po hitnom postupku, u skladu s članom 100. Poslovnika Doma naroda;
6. Zahtjev Predsjedništva BiH za razmatranje Prijedloga zakona o izmjenama Zakona o Centralnoj banci BiH po hitnom postupku, u skladu s članom 100. Poslovnika Doma naroda;
7. Zahtjev Vijeća ministara BiH za razmatranje Prijedloga zakona o izmjenama i dopunama Zakona o carinskoj tarifi BiH po hitnom postupku, u skladu s članom 99. Poslovnika Doma naroda;
8. Zahtjev Vijeća ministara BiH za razmatranje Prijedloga zakona o elektronskom potpisu po hitnom postupku, u skladu s članom 99. Poslovnika Doma naroda;
9. Prijedlog zakona o izmjeni i dopuni Zakona o osnovama sigurnosti saobraćaja na putevima u BiH (prvo čitanje), predlagač: delegat Halid Genjac;
10. Prijedlog zakona o izmjenama Zakona o policijskim službenicima BiH (Zakon od 17.5.2006.), prvo čitanje;
11. Prijedlog zakona o izmjeni i dopuni Zakona o policijskim službenicima BiH (Zakon od 29.5.2006.), prvo čitanje;
12. Izvještaj o izvršenju Budžeta institucija BiH i međunarodnih obaveza BiH za 2005.;
13. Godišnji izvještaj Visokog sudskog i tužilačkog vijeća BiH za 2005.;
14. Izvještaj o radu Pravobranilaštva BiH za 2005.;

15. Izvještaj o aktivnostima na Projektu Autoput na Koridoru Vc;
16. Izvještaj o radu Komisije za vanjsku i trgovinsku politiku Doma naroda za period 1.1. – 30.6.2006.;
17. Informacija o stanju sigurnosti u Bosni i Hercegovini za 2005. godinu;
18. Godišnja platforma o sigurnosno-obavještajnoj politici Bosne i Hercegovine;
19. Prijedlog dokumenta o politici dodjele koncesija u Bosni i Hercegovini, predlagač: Vijeće ministara BiH;
20. Davanje saglasnosti za ratifikaciju Okvirnog sporazuma između Evropske zajednice i Bosne Hercegovine o općim principima učešća Bosne i Hercegovine u programima Zajednice;
21. Davanje saglasnosti za ratifikaciju Sporazuma o finansijskoj saradnji između Vijeća ministara BiH, koje zastupa Ministarstvo finansija i trezora BiH, i Vlade Republike Austrije, koju zastupa Savezno ministarstvo finansija ;
22. Davanje saglasnosti za ratifikaciju Sporazuma između Vijeća ministara BiH i Vlade Republike Bugarske o ponovnom vraćanju vlastitih državljana i stranaca čiji je boravak ilegalan i Protokola za implementaciju Sporazuma između Vijeća ministara BiH i Vlade Republike Bugarske o readmisiji vlastitih državljana i stranaca čiji je boravak ilegalan;
23. Davanje saglasnosti za ratifikaciju Ugovora o grantu BA 00007 i Ugovora o kreditu između Vijeća ministara BiH i Banke NIO i Banke FORTIS (Holandija);
24. Davanje saglasnosti za ratifikaciju Sporazuma između Bosne i Hercegovine i Evropske zajednice o određenim aspektima zračnog saobraćaja;
25. Davanje saglasnosti za ratifikaciju Odvojenog sporazuma o zamjeni duga između Bosne i Hercegovine, Federacije Bosne i Hercegovine, Republike Srpske i Kreditanstalt für Wiederaufbau (KfW);
26. Davanje saglasnosti za ratifikaciju Ugovora o zajmu (Projekat obnove elektro distribucije) između Bosne i Hercegovine i Evropske banke za obnovu i razvoj;
27. Davanje saglasnosti za ratifikaciju Ugovora o finansiranju Evropskog fonda za Bosnu i Hercegovinu (EFBH) – Program stambenog kreditiranja i Program za kreditiranje malih i srednjih preduzeća – Između Vijeća ministara BiH i KfW, Frankfurt am Main;
28. Davanje saglasnosti za ratifikaciju Kreditnog sporazuma između Bosne i Hercegovine, koju predstavlja Ministarstvo finansija i trezora BiH, i Bank Austria Credit Anstalt AG za Projekat vodosnabdijevanja Općine Grude;
29. Davanje saglasnosti za ratifikaciju Kreditnog sporazuma – Projekat modernizacije bolnica između Vijeća ministara BiH, Vlade Federacije BiH, Vlade Republike Srpske i Eksport-import banke Koreje;
30. Imenovanje jednog člana Ureda za razmatranje žalbi iz oblasti izvođenja radova, javnih nabavki, transporta i strateško-poslovnog upravljanja;
31. Imenovanje četiri člana Upravnog odbora Javnog radiotelevizijskog servisa BiH i utvrđivanje trajanja njihovih mandata.
32. Apel povodom krize na Bliskom istoku koja uzrokuje stradanja civila i teška razaranja.

Ad-1. Odgovori na delegatska pitanja i delegatska pitanja

Odgovore na delegatska pitanja dobili su Đoko Pajić i Boško Šiljegović.

Delegat Boško Šiljegović izjasnio se da je zadovoljan dobivenim odgovorom, dok se delegat Đoko Pajić izjasnio da je djelimično zadovoljan dobivenim odgovorom.

Delegat Hasan Čengić je, povodom pisanja domaće štampe o tome da je nedavno iz Bosne i Hercegovine prodato 200.000 komada pušaka u Irak, postavio sljedeće pitanje predsjedavajućem Predsjedništvu BiH Sulejmanu Tihiću:

1. Da li je uopće tačno da je zvanično prodato naoružanje i oprema s teritorije Bosne i Hercegovine nekome izvan zemlje?
2. Ako jeste, ko je donio odluku o prodaji tog naoružanja i kome, i da li je Predsjedništvo BiH to znalo?
3. Je li tačno da je naoružanje prodato prije nego što je donesena Odluka o strukturi i rasporedu Oružanih snaga Bosne i Hercegovine i prije nego što je ta struktura stvarno uspostavljena?
4. Šta je i koliko tačno naoružanja i opreme prodato?
5. Kome je pripadalo to naoružanje: koliko vojsci RS -a, a koliko komponentama Vojske Federacije BiH, koliko hrvatskoj, a koliko bošnjačkoj komponenti?
6. Čiji je End user Certificate korišten za realizaciju ovog posla?
7. Koja je domaća ili strana kompanija / kompanije realizirala ovaj posao?
8. Koliko je novaca dobiveno iz ovog posla?
9. Za koje svrhe su utrošena ta sredstva?

Delegat Đoko Pajić postavio je sljedeća pitanja Tužilaštvu BiH.

Pitanje:

1. S obzirom da je Tužilaštvo Haškog tribunala dalo saglasnost za vođenje postupka pred Sudom BiH, da li su te krivične prijave potvrđene od Tužilaštva BiH i koliko, kao i da li su podignute optužnice pred Sudom BiH za navedene ratne zločine?

Objasnenje:

Okružno javno tužilaštvo u Bijeljini podnijelo je 2004. godine krivične prijave protiv 49 lica, a nakon prikupljenih svih dokaza, zbog ratnih zločina počinjenih nad srpskim narodom na području Srebrenice, Bratunca i Skelana u periodu 1992.- 1993., gdje su popaljena i opljačkana 34 sela, ubijeno oko 1.200 lica, od kojih se njih 80 još vode kao nestali, a ostalo stanovništvo je protjerano.

Pitanje:

2. Da li je Tužilaštvo BiH potvrdilo navedene krivične prijave i da li je podignuta optužnica pred Sudom BiH za navedeni ratni zločin?

Objasnenje:

Okružno javno tužilaštvo u Bijeljini podnijelo je 2004. godine krivične prijave protiv odgovornih lica za ratni zločin počinjen u Tuzli 15. maja 1992., kada je u koloni vojnika JNA, koja se po prethodno postignutom dogovoru s vlastima Tuzle mirno povlačila u ostale dijelove tadašnje Jugoslavije, ubijeno oko 250 nevinih ljudi, od kojih je do sada ekshumirano i identificirano oko 130, a 120 se još vode kao nestali.

Prethodno je Tužilaštvo Haškog Tribunala dalo saglasnost za vođenje postupka pred Sudom BiH.

Delegat Đoko Pajić također je postavio sljedeće pitanje Vijeću ministara BiH.

Pitanje:

Zašto ni do danas nije osnovan navedeni fond i istovremeno apeliram, u ime značajnog broja porodica nestalih, da ovaj saziv Vijeća ministara BiH ovu svoju obavezu završi do isteka mandata, kako bi porodice nestalih lica u BiH konačno počele ostvarivati i onako veoma minorna prava na koja čekaju skoro dvije godine od donošenja navedenog zakona?

Obrazloženje:

Članom 15. Zakona o nestalim licima („Službeni glasnik BiH, br. 50/04“), a koji je stupio na snagu 17.11.2004., regulirana je obaveza osnivanja fonda za nestala lica na nivou Bosne i Hercegovine iz kojeg će se finansirati prava porodica nestalih lica predviđena ovim zakonom.

Delegat Ruža Stojanović postavila je sljedeća pitanja Vijeću ministara BiH.

Pitanje:

Kako predsjedavajući Vijeća ministara BiH namjerava riješiti novonastalu situaciju i omogućiti provođenje Zakona o javnim nabavkama na zakonit način?

Ko će snositi eventualne zakonske posljedice?

Obrazloženje:

Uspostavljenjem Ureda za razmatranje žalbi u skladu sa Zakonom o javnim nabavkama prestala je nadležnost Ministarstva finansija RS-a i Ministarstva finansija i trezora BiH, zaključno sa 1.4.2006. Ostavkom tri od pet imenovanih članova Ureda za razmatranje žalbi dovedena je u pitanje primjena i provođenje Zakona o javnim nabavkama.

Delegat Ruža Stojanović ponovila je pitanje na koje nije dobila odgovor.

1. Da li su stvoreni uslovi za primjenu Zakona o sigurnosti saobraćaja, tj. da li su doneseni prateći podzakonski akti?
2. Da li su izvršena neophodna obilježavanja, odnosno da li je postavljena horizontalna i vertikalna signalizacija kao i da li su oni koji neposredno na terenu provode Zakon dovoljno upoznati i pripremljeni za njegovu primjenu?

Delegat Goran Milojević postavio je sljedeće pitanje Vijeću ministara BiH:

Budžetom institucija BiH za 2006. godinu, stavka 37. odjeljak III tačka 3., utvrđena su sredstva u iznosu od 500.000 KM namijenjena za izradu projektne dokumentacije za metodologiju i počinjanje aktivnosti na popisu stanovništva.

S obzirom da je osiguravanje pouzdanih statističkih pokazatelja jedan od veoma bitnih uslova za potpisivanje sporazuma o stabilizaciji i pridruživanju Evropskoj uniji, ali i drugim međunarodnim organizacijama, od Agencije za statistiku BiH i Vijeća ministara BiH tražim da mi pismeno odgovore na sljedeća pitanja:

- Šta je tokom proteklog perioda urađeno na realizaciji zadataka radi kojih su navedena budžetska sredstva osigurana?
- Na koje aktivnosti i u kojem obimu su dodijeljena sredstva trošena ?
- Kada se može očekivati prijedlog odgovarajućeg zakona o popisu stanovništva i sam početak ovog popisa, kao osnove svih neophodnih statističkih pokazatelja ?

Ad-2. Usvajanje Zapisnika 60. sjednice Doma naroda

Zapisnik 60. sjednice Doma naroda usvojen je jednoglasno.

Ad-3. Izvještaj Zajedničke komisije oba doma o nastojanju za postizanje sporazuma o identičnom tekstu Zakona o dopunama Zakona o javnim nabavkama BiH

Rasprava o ovoj tački dnevnog reda nije vođena.

Dom naroda jednoglasno je usvojio Izvještaj Zajedničke komisije oba doma o nastojanju za postizanje sporazuma o identičnom tekstu Zakona o dopunama Zakona o javnim nabavkama BiH.

Ad- 4. Zahtjev Vijeća ministara BiH za razmatranje Prijedloga zakona o usvajanju zakona o izmjenama i dopunama Zakona o policijskim službenicima BiH po hitnom postupku, u skladu s članom 100. Poslovnika Doma naroda

Rasprava o ovoj tački dnevnog reda nije vođena.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o usvajanju zakona o izmjenama i dopunama Zakona o policijskim službenicima BiH po hitnom postupku, u skladu s članom 100. Poslovnika Doma naroda, nakon čega je Zakon usvojen.

Ad- 5. Zahtjev Vijeća ministara BiH za razmatranje Prijedloga zakona o dopunama Zakona o komunikacijama po hitnom postupku, u skladu s članom 100. Poslovnika Doma naroda

Rasprava o ovoj tački dnevnog reda nije vođena.

Dom naroda jednoglasno je usvojio Zahtjev Vijeća ministara BiH za razmatranje Prijedloga zakona o dopunama Zakona o komunikacijama po hitnom postupku, u skladu s članom 100. Poslovnika Doma naroda, nakon čega je Zakon usvojen.

Ad- 6. Zahtjev Predsjedništva BiH za razmatranje Prijedloga zakona o izmjenama zakona o Centralnoj banci BiH po hitnom postupku, u skladu s članom 100. Poslovnika Doma naroda

Rasprava o ovoj tački dnevnog reda nije vođena.

Dom naroda jednoglasno je usvojio Zahtjev Predsjedništva BiH za razmatranje Prijedloga zakona o izmjenama Zakona o Centralnoj banci BiH po hitnom postupku, u skladu s članom 100. Poslovnika Doma naroda, nakon čega je Zakon usvojen.

Ad- 7. Zahtjev Vijeća ministara BiH za razmatranje Prijedloga zakona o izmjenama i dopunama Zakona o carinskoj tarifi BiH po hitnom postupku, u skladu s članom 99. Poslovnika Doma naroda

Rasprava o ovoj tački dnevnog reda nije vođena.

Dom naroda jednoglasno je usvojio zahtjev Vijeća ministara BiH za razmatranje Prijedloga zakona o izmjenama i dopunama Zakona o carinskoj tarifi BiH po hitnom postupku, u skladu s članom 99. Poslovnika Doma naroda.

Ad- 8. Zahtjev Vijeća ministara BiH za razmatranje Prijedloga zakona o elektronskom potpisu po hitnom postupku, u skladu s članom 99. Poslovnika Doma naroda

Rasprava o ovoj tački dnevnog reda nije vođena.

Dom naroda jednoglasno je usvojio zahtjev Vijeća ministara BiH za razmatranje Prijedloga zakona o elektronskom potpisu po hitnom postupku, u skladu s članom 99. Poslovnika Doma naroda.

Ad- 9. Prijedlog zakona o izmjeni i dopuni Zakona o osnovama sigurnosti saobraćaja na putevima u BiH (prvo čitanje), predlagač: delegat Halid Genjac

U raspravi o ovoj tački dnevnog reda učestvovali su: Halid Genjac, predstavnik predlagača Nikola Šego, Hasan Čengić i Osman Brka.

Dom naroda je većinom glasova u oba čitanja usvojio Prijedlog zakona o izmjeni i dopuni Zakona o osnovama sigurnosti saobraćaja na putevima u BiH, čiji je predlagač Halid Genjac

Ad- 10. Prijedlog zakona o izmjenama Zakona o policijskim službenicima BiH (Zakon od 17.5.2006.), prvo čitanje

U raspravi o ovoj tački dnevnog reda učestvovali su Tomislav Limov i Boško Šiljegović.

Dom naroda jednoglasno je u oba čitanja usvojio Prijedlog zakona o izmjenama Zakona policijskim službenicima BiH (Zakon od 17.5.2006.) u identičnom tekstu kao i na Predstavničkom domu.

Ad- 11. Prijedlog zakona o izmjeni i dopuni Zakona o policijskim službenicima BiH (Zakon od 29.5.2006.), prvo čitanje;

U raspravi o ovoj tački dnevnog reda učestvovao je Boško Šiljegović.

Dom naroda jednoglasno je u oba čitanja usvojio Prijedlog zakona o izmjeni i dopuni Zakona policijskim službenicima BiH (Zakon od 29.5.2006.) u identičnom tekstu kao i na Predstavničkom domu.

Ad- 12. Izvještaj o izvršenju Budžeta institucija BiH i međunarodnih obaveza BiH za 2005.

U raspravi o ovoj tački dnevnog reda učestvovali su Đoko Pajić i Ruža Stojanović

Dom naroda je većinom glasova usvojio Izvještaj o izvršenju Budžeta institucija BiH i međunarodnih obaveza BiH za 2005.

Ad- 13. Godišnji izvještaj Visokog sudskog i tužilačkog vijeća BiH za 2005.

U raspravi o ovoj tački dnevnog reda učestvovali su: predstavnik predlagača Branko Perić, Hasan Čengić i Ilija Filipović.

Dom naroda jednoglasno je usvojio Godišnji izvještaj Visokog sudskog i tužilačkog vijeća BiH za 2005. godinu, sa sljedećim zaključkom:

Zadužuje se Vijeće ministara BiH da, u roku od 30 dana, osnuje radnu grupu koja bi analizirala istaknute probleme iz Godišnjeg izvještaja o radu Visokog sudskog i tužilačkog vijeća BiH za 2005. i predloži mjere za njihovo rješavanje.

Ad- 14. Izvještaj o radu Pravobranilaštva BiH za 2005.

U raspravi o ovoj tački dnevnog reda učestvovali su Đoko Pajić i Ilija Filipović.
Doma naroda jednoglasno je usvojio Izvještaj o radu Pravobranilaštva BiH za 2005.

Ad- 15. Izvještaj o aktivnostima na Projektu Autoput na Koridoru Vc

U raspravi o ovoj tački dnevnog reda učestvovao je Hasan Čengić.
Doma naroda jednoglasno je usvojio Izvještaj o aktivnostima na Projektu Autoput na Koridoru Vc, sa sljedećim zaključkom:

1. Podržavaju se do sada ostvarene aktivnosti Vijeća ministara BiH i nadležnih institucija u vezi s pripremama za gradnju Autoputa na Koridoru Vc kroz Bosnu i Hercegovinu. Neke od neophodnih aktivnosti su u značajnom zakašnjenju, kao: donošenje zakona o putevima, određivanje konačne trase Autoputa, određivanje urbanističko-tehničkih uslova, izdavanje urbanističke saglasnosti za cijelu trasu, te rješavanje imovinskopravnih odnosa na trasi Autoputa.
2. Traži se od Vijeća ministara BiH da se provede postupak utvrđivanja interesa za dodjelu koncesije za finansiranje izgradnje Autoputa po modelu“ Izgradi, upravljaj i prenesi – BOT“, putem međunarodnog javnog konkursa. Model BOT, ako za njega bude interesa, prilikom izbora ponuđača mora imati prednost u odnosu na sve druge modele finansiranja.
3. Ponuđač koji ponudi finansiranje gradnje Autoputa na principu koncesije, po BOT modelu, za čitavu trasu puta kroz Bosnu i Hercegovinu (cca 340 km) imat će prednost u odnosu na bilo kojeg ponuđača koji ponudi gradnju jednog ili više lotova-sekcija istog autoputa.
4. Sve aktivnosti za početak gradnje Autoputa moraju biti završene najkasnije do 1.februara 2008. Varijanta navedena u pomenutoj Dopuni Izvještaja od 29.5.2006., prema kojoj bi se polovina Autoputa počela graditi 2013. godine, apsolutno je neprihvatljiva, a posebno je neprihvatljivo da se do tada izgrađeni dijelovi Autoputa ne povežu s glavnim gradom Sarajevom, također do 2013. Postojeći dinamički plan aktivnosti potrebno je prilagoditi ovom roku do 2008.
5. Do kraja 2006. Vijeće ministara BiH mora odrediti izvore finansijskih sredstava kojima će se riješiti imovinskopravni odnosi na cijeloj dužini trase Autoputa. Ako Vijeće ministara BiH iz bilo kojih razloga to nije u mogućnosti, ono treba osigurati posebne povlastice koncesionaru koji bi mu u tome eventualno pomogao.
6. Potrebno je osigurati da ponuđač-koncesionar koji ponudi veće učešće domaćih preduzeća u izvođenju radova na Autoputu bude dodatno vrednovan. To može dokazati predugovorom s domaćim podugovaračima – kompanijama. Ovdje se domaćim preduzećima smatraju ona koja od ukupno zaposlenih imaju preko 70% bh.građana.
7. Traži se od Ministarstva komunikacija i prometa BiH da redovno, a najmanje jednom u dva mjeseca, posredstvom ove komisije obavještava Dom naroda o aktivnostima na implementaciji ovih zaključaka.

Ad-16. Izvještaj o radu Komisije za vanjsku i trgovinsku politiku Doma naroda za period 1.1. – 30.6.2006.

Rasprava o ovoj tački dnevnog reda nije vođena.

Dom naroda jednoglasno je usvojio Izvještaj o radu Komisije za vanjsku i trgovinsku politiku Doma naroda za period 1.1. – 30.6.2006.

Ad-17. Informacija o stanju sigurnosti u Bosni i Hercegovini za 2005.

U raspravi o ovoj tački dnevnog reda učestvovali su: Tomislav Limov, Osman Brka i ministar sigurnosti BiH Bariša Čolak.

Doma naroda jednoglasno je primio k znanju Informaciju o stanju sigurnosti u Bosni i Hercegovini za 2005., sa sljedećim zaključkom:

1. Dom naroda Parlamentarne skupštine BiH podržava Informaciju koja je u potpunosti sačinjena objektivno i bez političkih konotacija.

2. Dom naroda Parlamentarne skupštine BiH zahtijeva od Vijeća ministara BiH da u što kraćem roku dostavi :

a) informaciju o sigurnosnom stanju u BiH i mjerama koje treba preduzeti u vezi sa suzbijanjem neovlaštene proizvodnje i stavljanja u promet opojnih droga;

b) informaciju o broju i vrsti krivičnih djela koja se odnose na pljačke banaka i pljačke novca u transportu, s podacima o stanju otkrivenosti i stanju neotkrivenosti ovih djela, o okolnostima pod kojima se odvija djelatnost transporta novca, te prijedlogom mjera za popravljavanje trenutnog stanja u BiH.

c) informaciju o stanju u BiH u oblasti saobraćaja, s prijedlogom mjera za poboljšanje.

3. Dom naroda podržava i zahtijeva što hitnije provođenje Strategije BiH za borbu protiv organiziranog kriminala i korupcije za period 2006.-2009., koju je usvojilo Vijeće ministara BiH, a kojom je, uz ostalo, definiran i proces vezan za izradu određenih zakonskih projekata iz ove oblasti, kao što je npr. zakon o zaštitarskim firmama i sl.

Od Vijeća ministara BiH i Ministarstva sigurnosti BiH zahtijeva se da redovno dostavljaju informacije o provođenju navedene strategije.

4. Od Vijeća ministara BiH i Ministarstva sigurnosti BiH zahtijeva se da, prilikom izrade informacije za narednu godinu, a s ciljem poboljšanja njenog kvaliteta, informaciju analitički tabelarno razrade i daju podatke po područjima koja pokrivaju kantonalni MUP-ovi u FBiH i centri javne sigurnosti u RS-u.

Ad-18. Godišnja platforma o sigurnosno-obavještajnoj politici Bosne i Hercegovine

U raspravi o ovoj tački dnevnog reda učestvovao je Tomislav Limov.

Dom naroda jednoglasno je usvojio Godišnju platformu o sigurnosno-obavještajnoj politici Bosne i Hercegovine, sa sljedećim zaključkom:

1. Dom naroda Parlamentarne skupštine BiH traži da sadržaj prošlogodišnje platforme bude osnova za rad Obavještajno-sigurnosne agencije BiH za ovu godinu. U skladu s tom platformom, Obavještajno-sigurnosna agencija BiH dužna je da izradi odgovarajuće programe i planove.
2. Predsjedništvo BiH obavezno je do 31. 10. 2006. dostaviti Parlamentarnoj skupštini BiH tekst Platforme o sigurnosno-obavještajnoj politici za 2007.

Ad-19. Prijedlog dokumenta o politici dodjele koncesija u Bosni i Hercegovini, predlaž: Vijeće ministara BiH

U raspravi o ovoj tački dnevnog reda učestvovao je Hasan Čengić.

Dom naroda jednoglasno je usvojio Prijedlog dokumenta o politici dodjele koncesija u Bosni i Hercegovini uz sljedeću dopunu teksta

:

- U **Uvodu** u **stavu 8.** na **str. 3.**, na kraju teksta umjesto tačke staviti zarez i dodati riječi: **“vodeći računa o podjeli nadležnosti u ovoj oblasti”**.

Dom naroda Parlamentarne skupštine BiH je uz Dokumentat usvojio i sljedeće Zaključke koje upućuje Komisiji za koncesije BiH, koja će nakon usvajanja Dokumenta pokrenuti inicijativu za izmjene i dopune ovog Dokumenta, na sljedeći način:

1. Sadašnji naziv dokumenta utvrđen Zakonom izmijeniti u: “Osnove i principi za politiku dodjele koncesija u Bosni i Hercegovini”;
2. Na strani 10. u pasusu gdje se pominje drumski saobraćaj dodati putni pravac: V. Kladaša-Bihać-Jajce-Travnik-Lašva i Jadransko-jonski koridor – trasa kroz Bosnu i Hercegovinu;
3. Traži se od Komisije za koncesije BiH da u roku od godine dana pripremi dopunu Dokumenta i:
 - a) predloži politiku dodjele koncesija u Bosni i Hercegovini za kratkoročni (5 godina), srednjoročni (10 godina) i dugoročni (30 godina) period,
 - b) predloži politiku dodjele koncesija u Bosni i Hercegovini sa stanovišta neobnovljivih i obnovljivih resursa u odnosu na dugoročnu strategiju razvoja BiH.

Ad-20. -29. Davanje saglasnosti za ratifikaciju

Rasprava o ovoj tački dnevnog reda nije vođena.

Dom naroda jednoglasno je dao saglasnost za ratifikaciju:

- Okvirnog sporazuma između Evropske zajednice i Bosne Hercegovine o općim principima učešća Bosne i Hercegovine u programima Zajednice;
- Sporazuma između Vijeća ministara BiH, koje zastupa Ministarstvo finansija i trezora BiH, i Vlade Republike Austrije, koju zastupa Savezno ministarstvo finansija, o finansijskoj saradnji;
- Sporazuma između Vijeća ministara BiH i Vlade Republike Bugarske o ponovnom vraćanju vlastitih državljana i stranaca čiji je boravak ilegalan i Protokola za implementaciju

Sporazuma između Vijeća ministara BiH i Vlade Republike Bugarske o readmisiji vlastitih državljana i stranaca čiji je boravak ilegalan;

- Ugovora o grantu BA 00007 i Ugovora o kreditu između Vijeća ministara BiH i Banke NIO i Banke FORTIS (Holandija);
- Sporazuma između Bosne i Hercegovine i Evropske zajednice o određenim aspektima zračnog saobraćaja;
- Odvojenog sporazuma o zamjeni duga između Bosne i Hercegovine, Federacije BiH, Republike Srpske i Kreditanstalt für Wiederaufbau (KfW);
- Ugovora o zajmu (Projekat obnove elektro distribucije) između Bosne i Hercegovine i Evropske banke za obnovu i razvoj;
- Ugovora o finansiranju Evropskog fonda za Bosnu i Hercegovinu (EFBH) – Program stambenog kreditiranja i Program za kreditiranje malih i srednjih preduzeća – Između Vijeća ministara BiH i KfW, Frankfurt am Main;
- Kreditnog sporazuma između Bosne i Hercegovine koju predstavlja Ministarstvo finansija i trezora BiH i Bank Austria Credit Anstalt AG za Projekat vodosnabdijevanja Općine Grude;
- Kreditnog sporazuma – Projekat modernizacije bolnica između Vijeće ministara BiH, Vlade Federacije BiH, Vlade Republike Srpske i Eksport-import banke Koreje.

Ad-30. Imenovanje jednog člana Ureda za razmatranje žalbi iz oblasti izvođenja radova, javnih nabavki, transporta i strateško-poslovnog upravljanja

Rasprava o ovoj tački dnevnog reda nije vođena.

Dom naroda prihvatio je Ranka Krsmana za člana Ureda za razmatranje žalbi iz oblasti izvođenja radova, javnih nabavki, transporta i strateško-poslovnog upravljanja sa sljedećim zaključkom:

1. Kako bi se omogućio nesmetan rad Ureda za žalbe, do novog imenovanja članova koji su podnijeli ostavke, Dom naroda Parlamentarne skupštine BiH obavezuje Vijeće ministara BiH da, u roku od sedam dana od dana prijema ovog zaključka, na mjesto člana Ureda za žalbe iz reda hrvatskog naroda privremeno imenuje kandidata koji je bio drugi na rang-listi za prijem i koji ispunjava uslove.
2. Dom naroda Parlamentarne skupštine BiH ne osporava pravo kandidatu koji bude privremeno imenovan da se prijavi na raspisani konkurs za prijem novih članova u Ured za žalbe.

Ad-31. Imenovanje četiri člana Upravnog odbora Javnog radiotelevizijskog servisa BiH i utvrđivanje trajanja njihovih mandata

U raspravi o ovoj tački dnevnog reda učestvovali su: Boško Šiljegović, Hasan Čengić, Đoko Pajić i Anto Spajić.

Dom naroda odgodio je izjašnjavanje o imenovanju četiri člana Upravnog odbora Javnog radiotelevizijskog servisa BiH i utvrđivanje trajanja njihovih mandata sa sljedećim zaključkom:

1. Dom naroda odgađa imenovanje članova Upravnog odbora jer dokumentacija Nade Milošević, kandidata za člana Upravnog odbora iz reda ostalih, nije uredna s obzirom na to da se u dokumentaciji, pored imena Nada Milošević, pojavljuje i ime Nadira Ademović.
2. Dom naroda traži od Regulatorne agencije za komunikacije BiH da dostavi dodatne podatke o identitetu Nade Milošević, kandidata za člana Upravnog odbora iz reda ostalih.

Ad-32. Apel povodom krize na Bliskom istoku koja uzrokuje stradanja civila i teška razaranja

U raspravi o ovoj tački dnevnog reda učestvovali su Hasan Čengić i Osman Brka. Dom naroda jednoglasno je usvojio zaključak povodom krize na Bliskom istoku koja uzrokuje stradanja civila i teška razaranja.

I.

Dom naroda Parlamentarne skupštine BiH, a imajući u vidu ratne sukobe na Bliskom istoku, upućuje

APEL
povodom krize na Bliskom istoku koja uzrokuje stradanje civila i teških razaranja

Sukob na Bliskom istoku koji traje već 15 dana izazvao je ogromne civilne žrtve, stradanja, patnje i razaranja. U ime građana Bosne i Hercegovine koji su prošli sve to u svojoj nedavnoj prošlosti, s teškim bolom doživljavajući stradanja djece, žena i civila na Bliskom istoku, upućujemo ovaj apel.

Pozivamo UN i međunarodnu zajednicu da učini sve što je potrebno kako bi se:

1. Odmah uspostavi potpuni, sveobuhvatni i trajni prekid vatre. To je najvažniji preduslov za zaustavljanje još većeg stradanja civila, njihovo raseljavanje, rušenje stambenih objekata, infrastrukture i drugih materijalnih dobara.
2. Osigurala humanitarna pomoć, sigurni putevi za njeno dostavljanje i svima kojima je potrebno osigurala pitka voda, hrana, lijekovi i medicinska pomoć.
3. Strane u sukobu i međunarodna zajednica dogovorili su da odmah nakon uspostave prekida vatre počnu pregovore radi osiguranja sveobuhvatnog i pravednog mira na dobrobit svih na Bliskom istoku i u svijetu.
4. Pozivamo vlasti u Bosni i Hercegovini, nevladine organizacije i građane da se odmah uključe u prikupljanje ove pomoći i njeno dostavljanje najugroženijim.

Primjer Bosne i Hercegovine dobar je dokaz da se i najteži sukobi i razlike mogu riješiti političkim dogovorom.

II.

Zadužuje se Vijeće ministara BiH da, putem nadležnog ministarstva, Apel dostavi svim relevantnim međunarodnim institucijama.

Sjednica je završena u 17,50 sati.

Sastavni dio ovog zapisnika je neautorizirani transkript 61. sjednice Doma naroda.

SEKRETAR
DOMA NARODA
Jadranko Tomić

PREDSJEDAVAJUĆI
DOMA NARODA
Goran Milojević